

www.BibleForChildren.org

Matyu 26



Kune ge ege 6
pela wor pundaka,
ege kerman Pasopa
we dji ge yenda paika,
Jisas er Betani pi. Betani ge
Lasarus dumoye yei. Lasarus
ge Jisas i gun wori iwa.
Kwa no molmaka, Maria
kopong ku kerman boi nume
tuge ta iwo Jisas kake al kopong
yei. Ge mirang wopake kaima yeika,
ga porapora numog moi ge pi. Pillmaka
kopong yei ge, Maria yene ngambale ene i
kill gulo woro embe yemoi.



Jisas kogoye una 12 pela moi ge taimanta Judas Iskariot ge, na Jisas ipo Juda una opa gale awinj una kerman mor al auno dje pille une kambono moi al pi. Po djika kambono wopille no ni ku aumbon we djimaka, Judas pille po kondwe ta yendaka, na Jisas dje ipo kambono mor al auno dje kane kane moi.




Jisas kandja dji mal kogoye una
po kwamokna gale amblokun yei.
Jisas kogoye una boll kwa no
molmaka, Jisas bret ta i God
wopake we dje awo, tuklo
kogoye una awo embe dji, ye i
nome! Ge na gaklena
we dji.




Nu wain kap al moi ge Jisas i God
wopake we dje awo, kambono moi
al awo embe dji, ye porapora kap
ge i nome! Ge na meyamna. God yene
kandjiye dje gopa to pagi mal ge, na
meyamna tulu djinda. Tulu djinda al
ge, una merke singare ke ye waninj
ge God kere aunda.



Jisas embe dji, Saimon, Saimon, pren mo? Satan yembe yemolo embe dji, iwa 12 pela mor ge na kamalne tanaka, God kandjiye kerne we dji. Una wit megiye bulo to pille dje tandwane iworinj mal embe yeno we dji. God, kune, ni po yeye! dji. Embe dji ba, ni nanam kere djimben dje pille kamang yell. Ni nanam kere er yem womben kune ge, ni agan kambono pillgi dje moye dje pille wo kandja dje aumben we dji.



Djika Pita embe dji, ge man, una wo ni kaye tane mo,
togoï dal nono soka aike tane we dji. Dji ba Jisas
embe dji, Pita, na kandja dje ni aundo, ipon imina
pakna pundaka ni kune sokara na Jisas nakando we
djimbenka, ka kondwale yau tonda we dji.



Jisas kogoye una boll er
dumo Getsemani pumaka
Jisas embe dji, ye ba
molme! Na kola po
kamang yeno we dji.
Nena, Nena, ni wal
porapora yeno dje pupen
ge kaima yemben, kap ni
na aunden ge iworben, ba
na nomana paro mal
nayemben, ni nomanin
paro mal yemben we dji.



Embe pille Judas po ami una ne, opa gale awi una kerman ne, Parisi una yenekne eine dji womaka, une ga boll aike po wamo sua gale i, djebainat amblo er iko olip mau pakna pi. Djimaka Jisas kogoye iwa ta bainat i toika, iwa ta kamale bolo kelip to yage kal toi. Iwa ge opa gale awi iwa wekle pi iwa boiye ge toi. Jisas embe dji, ye yenj ge kerme! dji. Dje kere une iwa kamale al ambika alla kiwa yei.



Opa gale awi iwa kerman wekle pi iwa moi ge, una wo Jisas i iwa ge numbiye al pumaka, Pita are eprap ye pi. Asamoll pi una iwa kerman numbiye gull pai al pakna po numb djillake al wamo gale ami dje molmaka, Pita pakna pika aike moi.



Opa gale awi iwa kerman
boiye Pita asa bainat
toika kamale al bolo
baske toi iwa ge, une
epil taimane iwa ta Pita
moi al embe dji, Jisas iko
olip mau al moi poke ge, ni
une boll aike mon, na kanill
dje pro we dji. Dji ba, Pita alla
tormang yeika, ola dje ka
kondwale yau toi. wandill golo er
orko po kimb meme muglo yei.




Iwa kerman kambono Jisas dje ipo
iwa Pailat moi al Djimaka Pailat
Jisas moi al embe dji, Juda una mor
ge ni kingne moren mo? dji. Jisas
ge wale, ni kune djinden we dji.




Una merke moi al Pailat Jisas dje
orko worno dje kandja alla dji ba,
Deleted part of verse una man dje
pille yau to embe dji, Jisas iko pera
al nil togole! dji. Alla nil
togole!




Dje kermaka Pailat pora we dji. Ami una Jisas iko pera al nil togoye dje awi. Awika ami una Jisas kantau yemaka, Jisas yene iko pera kake i Jerusalem kere er orko pika, ami una ipo dumo kandjiye una ngambalne yembe we dji yei al ge pi. Kandja Ibru pall djinj ge dumo Golgota we djinj.



Wo pillau djimaka, ami kambono
Jisas i iko pera al nil to pagi. Ami
kambono po iwa soka i iko pera al
nil yemyemto wori papillka
Jisas pakna pai.



Olpa nale ge 12 oklok yeika dumo ge emill ye pa pika 3
oklok yeika alla au dji. Lotu numb kerman numogto
allap ta kolo pagi ge, yene ball dje soka yei.
Jisas kandja kerman dje embe dji,
Nena, na nomana ge ni aglen al
wordo we dje kere goi.



Dumo Arimatea iwa Josep ge woi.
Una nalene al une iwa wopake moi.
Juda una kerman kambono
moi al une pakna molo,
God dumoye wopake
kantau yenda ge une
kui yemoi.

Josep kand nagolo,
Pailat moi al po embe
dji, Jisas golo
pamoro ge na ino we
dji.



Djika Josep po allap kuruwo ta top
to iwo, Jisas i kal woro, gakle al
were, ku kerman wallko yei al
ipo gull to pagi. Ku kerman
tamban ta yei ge une i
kulkul to ipo to pel
dje pagi.



Kamkumaikekana pika, ege Sabat yei
kune ge, opa gale awi una
kerman ne, Parisi una
kambono ge Pailat moi
al po embe dji, iwa
kerman, iwa goi ge
kende dje wani
una moi.



Une gun moi
kune ge, une kandja ta
dji pupin ge embe dji,
na golo ege sokara wor
pundaka na alla aglo
erwo gun puno
we dji.



Djika ga po gull to pagi al amblo
dongall ye, gapman mon bolo ku al
pagi pai. Paglmaka una
wo ku iworro djine dje
pille ami una kantau
moi.



Ege Sabat yei pora djika, Sande
kam kindja tagno dje yeika, dumo
Makdala ana Maria ne, ana
Maria ta boll aike Jisas
gull to pagi al kanboll
dje pupill. Ola dje
kam imem kerman
woika, God Iwa
Kerman tau agelo

ta dje worika
kupill al kere er
kal wo, ku amblo
kulkul to iworu
pagle, wo ku al
ami dje moi.



Ami una goll pene al kantau moi
kambono ge, kand kerman kaima
golo, kakene aglene purpur
djika, una goi una mal
embe moi.



Ana soka mopill al tau agelo embe
dji, ye kand nagose! dji. Na kando,
Jisas nil to pagi iwa ge ye
kanboll dje wopill paro ba,
asa une dji mal pille,
une aglo erwo gun pi!
Ipon une ba namoro!
Une goi pagi al ge
ye wo kanbell.



Djika ana soka kand gopill ba, wo pille,
Jisas kogoye una moi al dje aumboll dje,
ola dje kere muk dje er yem pupill.
Kondwe tambiyе pupillka Jisas wo
embe dji, ye wonmell mo? dji.
Soka po une kake al amblo,
taimagaus pamolo Jisas
kandjiye amblo pla worpill.






Are kogoye una 11 pela kwa no molmaka Jisas wo moi.

Une aglo erwo gun pika iwana kani mal pille Jisas
kandja embe dji, ye pillgi naparo, kambono no Jisas
kanpin we dji mal ye kende djinj dje pi ge ye ke yei
we dji. Iwa Kerman Jisas kandja embe dje kerika
God Jisas i kupill al woro yene agle
woto po ami dje moi.





*Ge God makimb una kanwopake
kaima kani pille, yene wariye
taimane moi mal ge awi, wariye boll
pillgi djine una moye ge, nagoye,
gun molo pane dje awi.*



Rom 3:23

Una porapora mormon ge nono singare ke yepin pora dji.
Nono kupill al po God boll aike mophon ge kune nayendo.

Rom 6:23

Alla una singare ke ye pamoi dal, top wopake ta naine,
kaima goye. Ba nonekene Iwa Kerman Kraiss Jisas kogo
yei al ge, God nono wal gorwulle ta kiwa aunda imbon. Ge
nono gun molo pambon.

Ibru 9:27

Una porapora mormon ge, nono gopon ege kun taimanta
yero, alla are nono kot panda. Panda mal embe,



Epesus 2:8,9

God ye wopake pille awi pille ye i yem wori, ye yenekne yene kune nayenda. Ye pille gi dji al ye i yem wori. Ye singare wopake ta yei pille, une ye i yem nawori, man, une ye kiwa i yem wori, una ta na kogo yell al, i yem wori we dje kandjiye amblo pla worda ge kune nayendo.

Rom 10:9,10

Ge ni djillaken al kandja embe djimben, Iwa Kerman moro ge Jisas wale moro we djimben. Alla, ni ellin tukin al kandja embe djimben, God Jisas dje i pla worika, une erwo gun pi we djimben. Ni kandja ge embe dje pene worin dal, ni er take dje namben, God ni i yem worda. Una ellne tukne al God Jisas i pla wori mal pillgi dji dal, God nale al wambo napanda, kiwa moye. Alla, una djillakene al Iwa Kerman moro ge Jisas wale moro we dje pene wori dal, er take dje napine, God i yem worda.



Jon 3:16,17

Ge God makimb una kanwopake kaima kani pille, yene wariye taimane moi mal ge awi, wariye boll pillgi djine una moye ge, nagoye, gun molo pane dje awi. God wariye dje wori woi ge, makimb una kot ye aunda dje, dje nawori, man. Una i yem worda dje, dje wori woi.

1 Jon 5:11-13

God yene wariye pille kandja dji ge, une kandja embe mal dji. Ye na boll gun molo pane we dji. Alla nono God boll gun molo pambon ge, yene wariye wal ne moro. Una God wariye boll moi dal, ga God boll gun molo pane. Ba alla una God wariye boll namoi dal, ga God boll gun molo napane. Ye una God wariye kandjiye al pillgi dji mor ge, na kandja ge bolo ye aundo. Ye God boll gun molo pane ge, ye i pora dji, ye nomane soka pa djinda dje na pepa boro.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kandawo Bible (gam) © 2014, Wycliffe Bible
Translators, Inc. All rights reserved.

<https://live.bible.is/bible/gamwbt/MAT/1>

©2024 Bible for Children, Inc.

www.M1914.org

www.bibleforchildren.org

